

*Зам, тээврийн хөгжлийн сайдын
2019 оны 06 сарын 12-ны 187 тоот
тушаалын 09 дүгээр хавсралт*



ИНД - 95

Иргэний Нисэхийн Дүрэм

Хэрэглэлийн нислэгийн журмын бүртгэл

Иргэний нисэхийн ерөнхий газар

ДҮРМИЙН ТАЙЛБАР

ИНД-95 нь Монгол Улсын нислэгийн мэдээллийн бүсэд IFR-ийн дагуу үйл ажиллагаа гүйцэтгэж байгаа агаарын хөлөгт ашиглах хэрэглэлийн нислэгийн журмыг зарлан мэдэгдэх зохицуулалтын шаардлагыг тогтооно.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-95-ын цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-95, түүний нэмэлт өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

Өөрчлөлтийн түүх**Хүчинтэй огноо**

Анхны боловсруулалт

2002 оны 12 сарын 20

Нэмэлт өөрчлөлт 1

2010 оны 05 сарын 07

Нэмэлт өөрчлөлт 2 (Шинэчлэлт)

2019 оны 06 сарын 12

Тэмдэглэл: ИНД-95-ын шинэчлэлтийг монгол, англи хэл дээр, NZ Part 95-ын 2010 оны 03 сарын 25-ны А.1-д үндэслэн боловсруулсан болно.

Гарчиг

| | |
|------------------------------------------------------------------------------------|----------|
| А Бүлэг - Ерөнхий зүйл | 1 |
| 95.1. Зорилго | 1 |
| В Бүлэг - Хэрэглэлийн нислэгийн журмыг зарлан мэдэгдэх болон мэдээлэх | 1 |
| 95.51. Хэрэглэлийн нислэгийн журмыг зарлан мэдэгдэх | 1 |
| 95.53. Монгол Улсын ANR-д дэлгэрэнгүй мэдээлэл оруулах | 1 |
| 95.55. Олон нийтэд мэдээлэх | 2 |
| 95.57. Хэрэглэлийн нислэгийн журмыг хэрэглээнээс хураах..... | 2 |

А Бүлэг - Ерөнхий зүйл

95.1. Зорилго

Энэ Дүрэм нь Монгол Улсын нислэгийн мэдээллийн бүсэд (FIR), IFR-аар үйл ажиллагаа гүйцэтгэж байгаа агаарын хөлөгт ашиглах хэрэглэлийн нислэгийн журмыг зарлан мэдэгдэх зохицуулалтын шаардлагыг тогтооно.

В Бүлэг - Хэрэглэлийн нислэгийн журмыг зарлан мэдэгдэх болон мэдээлэх

95.51. Хэрэглэлийн нислэгийн журмыг зарлан мэдэгдэх

(а) Аливаа этгээд нь Монгол Улсын FIR-д, IFR-ийн дагуу үйл ажиллагаа гүйцэтгэж байгаа агаарын хөлөгт ашиглах хэрэглэлийн нислэгийн журмыг дараахаас бусад тохиолдолд зарлан мэдэгдэхгүй:

- (1) тухайн хэрэглэлийн нислэгийн журмын дэлгэрэнгүй мэдээллийг Монгол Улсын Агаарын навигацийн бүртгэлд (ANR) энэ Дүрмийн дагуу оруулсан байх;
- (2) тухайн Хэрэглэлийн нислэгийн журмын хүчинтэй болох огноо нь 95.55-ын дагуу www.mcaa.gov.mn цахим хуудсанд мэдээлсэн байх.

95.53. Монгол Улсын ANR-д дэлгэрэнгүй мэдээлэл оруулах

(а) Энэ зүйлийн (b)-г харгалзан, Дарга Монгол Улсын FIR-д, IFR-ийн дагуу үйл ажиллагаа гүйцэтгэж байгаа агаарын хөлөгт ашиглахад зориулсан хэрэглэлийн нислэгийн журам бүрийн дараах дэлгэрэнгүй мэдээллийг Монгол Улсын ANR-д оруулах үүрэгтэй:

- (1) тухайн хэрэглэлийн нислэгийн журмын нэр, эсхүл бусад холбогдох таних нэр томъёо;
- (2) тухайн хэрэглэлийн нислэгийн журмыг тодорхойлох болон тайлбарлах нисэхийн өгөгдөл;
- (3) тухайн хэрэглэлийн нислэгийн журам хүчинтэй болох огноо;
- (4) энэ зүйлийн (b)(1)-д шаардсан хэрэглэлийн нислэгийн журмыг батлах үүрэг хариуцлага хүлээсэн, хэрэглэлийн нислэгийн журмын үйлчилгээний гэрчилгээ эзэмшигчийн тодорхойлолт;
- (5) энэ зүйлийн (b)(2)-т шаардсан, хэрэглэлийн нислэгийн журмын засвар өөрчлөлт хийх үүрэг хариуцлага хүлээсэн, хэрэглэлийн нислэгийн журмын үйлчилгээний гэрчилгээ эзэмшигчийн тодорхойлолт.

(b) Хэрэглэлийн нислэгийн журмыг тогтоож байгаа нисэхийн өгөгдлийг Монгол Улсын ANR-д оруулахын өмнө Дарга дараах шаардлагыг бататгах үүрэгтэй:

- (1) тухайн хэрэглэлийн нислэгийн журам нь ИНД-173-ын холбогдох шаардлага болон стандартыг хангасан бөгөөд, ИНД-173-ын дагуу олгосон хэрэглэлийн нислэгийн журмын үйлчилгээний холбогдох, хүчинтэй гэрчилгээ эзэмшигчээр зохих ёсоор зөвшөөрөгдсөн этгээд баталсан байх;
- (2) тухайн хэрэглэлийн нислэгийн журамд ИНД-173.63-д шаардсан гэрчилгээ эзэмшигчийн үйл ажиллагааны журмын дагуу засвар өөрчлөлт хийсэн бөгөөд энэ хэсгийн (1)-д заасан холбогдох, хүчинтэй хэрэглэлийн нислэгийн журмын үйлчилгээний гэрчилгээ эзэмшигчийг төлөөлж байгаа этгээд баталсан байх;
- (3) энэ зүйлийн (а)-д шаардсан нисэхийн өгөгдлийн ажиллагаа, эсхүл боловсруулалт болон мэдээлэл оруулах, сэргээх, эсхүл хадгалах явцад RTCA Inc-ийн document number RTCA/DO-200A-д заасан ажиллагаа, эсхүл боловсруулалтын стандартыг, эсхүл Даргын хүлээн зөвшөөрсөн дүйцэх бусад стандартыг хангадаг байх.

(с) Дарга, хэрэглэлийн нислэгийн журамтай холбоотой нисэхийн өгөгдлийг Монгол Улсын ANR-д оруулах, эсхүл гаргах аливаа хөдөлгөөн нь Нисэхийн мэдээлэл дамжуулах стандарт загвар-5-д (AIXM-5) заасан стандарт, эсхүл Даргын хүлээн зөвшөөрсөн бусад дүйцэх стандартыг хангаж байгааг бататгах үүрэгтэй.

95.55. Олон нийтэд мэдээлэх

(а) IFR-ийн дагуу үйл ажиллагаа гүйцэтгэж байгаа агаарын хөлөгт ашиглах хэрэглэлийн нислэгийн журам нь дараахаас бусад тохиолдолд хүчинтэй болохгүй:

- (1) тухайн хэрэглэлийн нислэгийн журмын дэлгэрэнгүй мэдээллийг 95.53-ын дагуу Монгол Улсын ANR-д оруулсан байх;
- (2) энэ зүйлийн (b)-д зааснаас бусад тохиолдолд, Дарга дараах мэдээллийг www.mcaa.gov.mn цахим хуудсанд мэдээлсэн байх:
 - (i) тухайн хэрэглэлийн нислэгийн журмын нэр, эсхүл холбогдох бусад таних нэр томъёо;
 - (ii) IFR-ийн дагуу үйл ажиллагаа гүйцэтгэж байгаа агаарын хөлөгт ашиглах хэрэглэлийн нислэгийн журмын хүчинтэй болох огноо.

(b) 6 сар, эсхүл түүнээс бага хугацаагаар хүчинтэй байх хэрэглэлийн нислэгийн журмыг, хэрэв энэ зүйлийн (а)(2)-т шаардсан мэдээлэл нь Монгол Улсын AIP-ын нэмэлт хавсралтаар, эсхүл NOTAM-аар зарлагдсан бол www.mcaa.gov.mn цахим хуудсанд мэдээлэхийг шаардахгүй.

95.57. Хэрэглэлийн нислэгийн журмыг хэрэглээнээс хураах

(а) ИНД-173-ын дагуу олгосон хэрэглэлийн нислэгийн журмын гэрчилгээ эзэмшигч нь Монгол Улсын ANR-д орсон хэрэглэлийн нислэгийн журмын засвар өөрчлөлт хийхийг цаашид зогсоохоор төлөвлөж байгааг мэдэгдсэн бол Дарга тухайн хэрэглэлийн нислэгийн журмыг дараах хэлбэрээр хэрэглээнээс хурааж авах үүрэгтэй:

- (1) хэрэглэлийн нислэгийн журмыг таньж тогтоон, тухайн журмыг хэрэглээнээс хураах огноог www.mcaa.gov.mn цахим хуудсанд мэдээлэх;
- (2) тухайн хураан авсан өдөр, Монгол Улсын ANR-аас хэрэглэлийн нислэгийн журмын дэлгэрэнгүй мэдээллийг гаргах.

(b) Энэ зүйлийн (a)-д заасныг үл харгалзан, хэрэв Дарга дараах бодит үндэслэл байгаа бол тухайн хэрэглэлийн нислэгийн журмыг хамгийн тохиромжтой хэлбэрээр хэрэглээнээс хураан авч болно:

- (1) хэрэглэлийн нислэгийн журмыг IFR-ийн дагуу үйл ажиллагаа гүйцэтгэж байгаа агаарын хөлөгт ашиглахад аюултай байж болох; эсхүл
- (2) хэрэглэлийн нислэгийн журамд ИНД-173-ын холбогдох шаардлагын дагуу засвар өөрчлөлт хийгээгүй.

(c) Хэрэв Дарга энэ зүйлийн (a), эсхүл (b)-ийн дагуу хэрэглэлийн нислэгийн журмыг хэрэглээнээс хураан авах бол Дарга дараах үүрэгтэй:

- (1) тухайн хэрэглэлийн нислэгийн журмыг хураан авч байгааг, Монгол Улсын ANR-д заасан, хэрэглэлийн нислэгийн журмын засвар өөрчлөлт хийх үүрэг хариуцлага хүлээсэн, хэрэглэлийн нислэгийн журмын үйлчилгээний гэрчилгээ эзэмшигчид бичгээр мэдэгдэх;
- (2) тухайн хэрэглэлийн нислэгийн журмыг Монгол Улсын AIP-аас болон үйл ажиллагааны хэрэглээнээс хассан болохыг бататгах зохих арга хэмжээг авах;
- (3) тухайн хэрэглэлийн нислэгийн журам болон түүнтэй холбоотой нисэхийн өгөгдлийг Монгол Улсын ANR-аас хасах.

--oOo--